

iii<sup>c</sup> lxx vi

(...)

Colla(ti)on de chapelle, tremolieres, consulz

Aujourd'huy **septiesme** du moys de **juin mil six cens**  
**vingt huict** apres midy **dans la ville de( )villemur** dioceze

bas montauban et sen(echau)<sup>ce</sup> de th(ou)l(ous)e regnant no(tr)e souverain  
prince louys treziesme par la grace de dieu roy de  
france et de navarre pardevant moy no(tai)<sup>re</sup> et( )presens  
les tesmoins cy apres nommés personnellement  
estably m(aîtr)e **alexis tremolieres pbre** (*lire ; prêtre*) et( )**vicaire de( )villemur**  
leque parlant a messieurs m(aîtr)es jean de furbeyre  
docteur en droictz advocat en la cour, jean hugonenc  
anthoine ratyer et( )jean tailhefer consulz dud(it) villemur  
leur a( )dict et representé que **feu** **guiolles calvely auroict**  
**fondé a l honneur s(ain)t jaques dans l'eglize saint jean**  
**de lad(ite) ville une chapelle** et pour y dire les messes &  
faire le service divin selon son inten(ti)on, donné et laissé  
certains biens fondz scis dans ceste jurisd(icti)on expeciffies  
a plain dans le tiltre de lad(ite) fonda(ti)on, la jouyssance  
desquelz biens appartiendroict au pbre quy feroict led(it)  
service prealablement lad(ite) chapelle luy avoir esté accollée  
et conferée par les sieurs consulz dud(it) villemur lesquelz  
a ces fins led(it) ~~calvely~~ <sup>guiolles</sup> instituait patrons d icelle chapele,  
en consequence de laquelle fonda(ti)on feu m(aîtr)e guill(aume)  
romaignac chanoine de( )montauban et pbres au(tr)es  
pbres apres luy auroient jouy desd(its) biens jusques  
maintenant que lad(ite) chapelle se trouve vaquante  
par le moyen du deces arrivée le cinquie(sme) du courant  
de( )m(aîtr)e **barthelemy vernhes pbre et recteur du lieu**  
**du born** quy en estoict le dernier possesseur, or dautant  
que lesd(its) sieurs consulz en lad(ite) qualité de patrons  
a suyvant lad(ite) fonda(ti)on ont facultté de pourvoirde  
lad(ite) chapelle tel pbre que bon leur semble, les  
a supplié et( )requis luy ~~luy~~ vouloir confere et accoler icelle

Furbeyre, consul approuvant  
la rayeure de calvely  
et le nom de guyolles

Hugonenc, [con]sul  
aprouvant la rayeure  
de calvely et le nom  
de guiolles

iii<sup>c</sup> lxx vii

chapelle avec ses appartenances et deppendances, sur( )quoy  
lesd(its) sieurs de furbeyre, hugonenc, ratyer et( )tailhefer

consulz apres avoir conserté ensemble & bien consideré  
ce dessus, deument advertis et acertains tant de leur  
pouvoir que des suffizance capacitte bonne vie et  
meours dud(it) s(ieu)r tremolieres pbre de leur bon gré pure  
et franche volonté ont accollé et donferé & par ses presentes  
accollent et conferent aud(it) tremolieres pbre lad(ite) chapelle  
avec toutes ses appartenances et deppendances en quoy  
que consistent sans aucune reserva(ti)on luy donnant  
plain pouvoir d en prendre la reelle actuelle et corporelle  
possession quand bon luy semblera pour des lors  
jouyr des honneurs franchizes fruitz proffictz  
revenus et esmolumens de lad(ite) chapelle et( )ses  
deppendances & en faire et dispozer comme et( )tout  
ainsi que led(it) feu vernhes et( )ses predecesseurs pbres  
pourvus d( )icelle avoient faculté de faire auquel  
effect et partant qu( )est besoing l'en ont saizi et( )investit  
par le bail par eux faict de sesd(ites) presentes entre ses  
mains a la charge par led(it) s(ieu)r tremolieres pbre  
de faire le service divin et au(tr)es choses portées par le  
tiltre de la fonda(ti)on de lad(ite) chapelle suyvant la  
volonté du fondateur & en la mesme forme qu'il l( )a  
ordonné, ce qu( )icelluy s(ieu)r tremolieres pbre au  
serement par luy presté la main mize sur sa poitrine  
a promis effectuer ponctuellement / fait recitté  
& ainsi que dessus respectivement stipullé par les  
sus nommes en presence de sieur jean belon

bourgeois, m(aîtr)e arnaud ducartier pra(tici)en jaques  
estienne mondot marchand, simon delau et( )pierre godin  
aussi pra(tici)ens de( )villemur signes avec lesd(its) sieurs consulz  
et tremolieres pbre fors led(it) tailhefer quy ne scait  
et moy jean bascoul no(tai)<sup>re</sup> royal dud(it) villemur quy a( )la  
requi(siti)on des partyes ay rettenu cest instr(ument)

Furbeire, consul

Hugonenc, consul

Ratier, consul

Tremolieres

Belon, p(rese)nt

Estiene, p(rese)nt

Godin, p(rese)nt

Ducartier, p(resen)t

Delau, p(rese)nt

Bascoul,  
not(aire)